

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 4 DISEMBER 2013, PUKUL 10.00 PAGI

Bil. 50

PERTANYAAN-PERTANYAAN BAGI JAWAB LISAN

1. PR-1313-L59053
Dato' Abdul Manan bin Ismail [Paya Besar] minta **MENTERI PERTANIAN DAN INDUSTRI ASAS TANI** menyatakan usaha yang telah dilaksanakan bagi kempen perang Kerajaan terhadap orang tengah sebagai memberi harapan baru kepada golongan petani, peladang dan nelayan untuk mendapatkan hasil setimpal atas usaha dan keringat mereka selama ini.
2. PR-1313-L57706
Tuan Seah Leong Peng [Telok Intan] minta **MENTERI PENDIDIKAN** menyatakan mengapa terdapat ketidakpadanan antara mata pelajaran yang menjadi opsyen guru dengan mata pelajaran yang diajar. Hampir 30 peratus guru kini mengajar Bahasa Inggeris tidak dilatih untuk mengajar bahasa tersebut, manakala hampir 3,600 guru terlatih untuk mengajar Bahasa Inggeris mengajar mata pelajaran lain.
3. PR-1313-L57867
Datuk Ahmad Jazlan bin Yaakub [Machang] minta **MENTERI KEMAJUAN LUAR BANDAR DAN WILAYAH** menyatakan sejauh manakah kemajuan projek perintis "Kampung Abad ke-21" (*21st Century Village*) bagi meningkatkan penyertaan golongan muda dalam pertanian dan nyatakan setakat manakah model-model eksperimen Kampung Abad ke-21 ini telah dibangunkan.
4. PR-1313-L58575
Dato' Kamarudin bin Jaffar [Tumpat] minta **MENTERI LUAR NEGERI** menyatakan adakah Kerajaan memikirkan cadangan-cadangan untuk menjadikan OIC (*Organisation of Islamic Cooperation*) lebih berperanan dalam memperkasakan rakyat dan negara anggota.
5. PR-1313-L58115
Datuk Haji Abdul Azeez bin Abdul Rahim [Baling] minta **PERDANA MENTERI** menyatakan tindakan dan langkah yang diambil bagi meningkatkan keupayaan dan keselamatan golongan nelayan luar pantai dan laut dalam bagi mengelakkan kes rompakan seperti yang terjadi di perairan Selat Melaka baru-baru ini.

6. PR-1313-L57777
Tuan M. Kulasegaran [Ipoh Barat] minta **PERDANA MENTERI** menyatakan jumlah kos yang akan dibelanjakan untuk pengubahsuaian Bangunan Parlimen dan anggaran masa untuk bangunan tersebut disiapkan.
7. PR-1313-L58119
Datuk Raime bin Unggi [Tenom] minta **MENTERI KEWANGAN** menyatakan apakah hasil pembangunan yang dilaksanakan bagi kepentingan rakyat terutama di luar bandar hasil penjimatan RM3.3 bilion daripada pengurangan subsidi minyak yang lalu.
8. PR-1313-L58323
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan adakah pihak Kementerian hendak melanjutkan program J-QAF sehingga ke peringkat sekolah menengah seperti yang dirancang oleh mantan Perdana Menteri, Tun Abdullah Ahmad Badawi.
9. PR-1313-L57702
Tuan Rozman bin Isli [Labuan] minta **MENTERI KERJA RAYA** menyatakan adakah perancangan pembinaan jalan raya untuk membolehkan pembukaan kawasan perindustrian baru untuk menampung kekurangan yang amat mendesak di Labuan pada masa ini.
10. PR-1313-L58326
Tuan Wong Sze Phin @ Jimmy [Kota Kinabalu] minta **MENTERI PENGANGKUTAN** menyatakan adakah Kementerian berhasrat membina landasan keretapi yang baru untuk melalui pekan-pekan dan bandar-bandar di seluruh Sabah hingga ke Sarawak.
11. PR-1313-L58812
Datuk Koh Nai Kwong [Alor Gajah] minta **MENTERI KESIHATAN** menyatakan sama ada pihak Kementerian Kesihatan bersedia untuk menaik taraf dari segi infrastruktur ataupun keperluan sumber manusia untuk klinik-klinik desa, klinik-klinik komuniti dan klinik-klinik kesihatan di kawasan luar bandar dalam Parlimen Alor Gajah.
12. PR-1313-L58621
Dato' Dr. Mujahid Yusof Rawa [Parit Buntar] minta **MENTERI PERUSAHAAN PERLADANGAN DAN KOMODITI** menyatakan apakah kesan penurunan permintaan eksport komoditi kerana suasana ekonomi dunia.
13. PR-1313-L58876
Datuk Haji Datu Nasrun bin Datu Mansur [Silam] minta **MENTERI BELIA DAN SUKAN** menyatakan apakah inisiatif Kementerian dalam meningkatkan semangat patriotik di kalangan belia. Apakah pandangan Kerajaan mengenai tindakan aktivis pelajar yang membawa bendera Sang Saka semasa hari sambutan kemerdekaan Malaysia pada 31 Ogos 2013.

14. PR-1313-L57469
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan adakah kos-kos pengangkutan awam berada di bawah kawalan selepas kenaikan harga petrol dan diesel bulan Ogos lalu.
15. PR-1313-L57669
Dato' Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan :-
 - (a) apakah pelan strategik jangka masa panjang oleh pihak Kementerian untuk menangani isu graduan menganggur yang saban hari makin meningkat bilangannya; dan
 - (b) apakah rasionalnya pihak Kementerian membayar sebanyak RM20 juta kepada firma perunding Mckinsey & Co. bagi merangka Pelan Pembangunan Pendidikan (PPP).
16. PR-1313-L58898
Tuan Zairil Khir Johari [Bukit Bendera] minta **MENTERI PENDIDIKAN** menyatakan sama ada autonomi akan diberi kepada semua sekolah, khususnya dalam hal lantikan, perpindahan, pemecatan guru, termasuk guru kontrak. Jika tidak, mengapa.
17. PR-1313-L58152
Tuan Che Mohamad Zulkifly bin Jusoh [Setiu] minta **MENTERI PERTANIAN DAN INDUSTRI ASAS TANI** menyatakan langkah Kementerian bagi meningkatkan sosioekonomi golongan nelayan untuk mempelbagaikan sumber pendapatan dengan memberi mereka peluang khususnya melalui pinjaman Tabung Ekonomi Usahawan Kumpulan Niaga (TEKUN) untuk menjalankan pelbagai jenis perniagaan seterusnya mengelakkan mereka daripada terlalu bergantung kepada hasil tangkapan ikan semata-mata.
18. PR-1313-L58462
Tuan Chua Tian Chang @ Tian Chua [Batu] minta **MENTERI PENGANGKUTAN** menyatakan apakah langkah-langkah yang diambil oleh Kementerian untuk memastikan pemandu-pemandu kenderaan komersial di jalan raya memenuhi kriteria sistem KEJARA. Berapa ramai pemandu yang telah diambil tindakan kerana tidak mematuhi undang-undang jalan raya.
19. PR-1313-L57209
Dato' Haji Mohd Zaim bin Abu Hasan [Parit] minta **PERDANA MENTERI** menyatakan selain usaha Kerajaan memupuk perpaduan di antara kaum di Malaysia, apakah langkah tindakan Kerajaan untuk memupuk semula perpaduan di antara orang-orang Melayu dan Islam di negara ini.
20. PR-1313-L58207
Raja Dato' Kamarul Bahrin Shah [Kuala Terengganu] minta **MENTERI KEWANGAN** menyatakan apakah keuntungan kewangan atau manfaat kepada negara yang akan diperolehi dengan mewujudkan kompleks bebas cukai (*duty free*) di Tasek Kenyir Terengganu.

21. PR-1313-L57563
Datuk Hajah Norah binti Abd Rahman [Tanjong Manis] minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan dapat menyediakan dana untuk membuat jalan raya utama sepanjang 13km dari Kampung Penuai ke Feri Point Sungai Nai, Pulau Bruit untuk kegunaan 10,000 rakyat dari 10 buah kampung untuk ke bandar.
22. PR-1313-L57133
Dato' Takiyuddin bin Hassan [Kota Bharu] minta **PERDANA MENTERI** menyatakan selain daripada bergantung kepada Suruhanjaya Pencegahan Rasuah Malaysia (SPRM) dalam memerangi rasuah, adakah Kerajaan bercadang untuk menubuhkan Unit Pencegahan Rasuah dalam jabatan-jabatan terutamanya jabatan yang terlibat dengan penguatkuasaan undang-undang dan peraturan.
23. PR-1313-L57164
Tuan Masir Kujat [Sri Aman] minta **MENTERI KEMAJUAN LUAR BANDAR DAN WILAYAH** menyatakan bahawa selaras dengan program Kerajaan untuk memperkasakan ekonomi kaum Bumiputera khususnya di Sri Aman, apakah Kementerian bercadang untuk mengiatkan lagi peranan MARA, RISDA, FELCRA dan lain-lain agensi di Kementerian untuk menerokai tanah Hak Adat Bumiputera agar dapat menambahkan pendapatan mereka.
24. PR-1313-L58457
Tuan Haji Mohd Rafizi bin Ramli [Pandan] minta **PERDANA MENTERI** menyatakan jumlah penabung Tabung Haji yang masih menunggu giliran ke Tanah Suci mengikut kumpulan umur. Berapakah kuota yang diberikan kepada bakal haji yang mengikuti pakej swasta, kuota GLC, kuota pegawai Kerajaan, wakil rakyat dan lain-lain.
25. PR-1313-L57866
Dato' Othman bin Aziz [Jerlun] minta **MENTERI PELANCONGAN DAN KEBUDAYAAN** menyatakan perancangan Kementerian bagi memastikan aktiviti seni dan budaya warisan turun menurun akan terus kekal menarik minat rakyat. Apakah langkah yang diambil terutama bagi mempopularkan seni warisan ini di dalam promosi pakej pelancongan Malaysia di luar negara.
26. PR-1313-L59023
Puan Siti Zailah binti Mohd Yusoff [Rantau Panjang] minta **MENTERI SUMBER ASLI DAN ALAM SEKITAR** menyatakan perancangan pembinaan tebatan banjir di Sungai Golok Rantau Panjang yang sekian lama dipohon dan perlu diselesaikan segera, apakah Kementerian mengkaji kesan daripada pembinaan tebatan banjir sebelah Thailand yang sudah hampir siap terhadap penduduk sempadan di musim banjir nanti.
27. PR-1313-L59039
Datuk Joseph Salang anak Gandum [Julau] minta **MENTERI KEMAJUAN LUAR BANDAR DAN WILAYAH** menyatakan amaun peruntukan yang telah dan akan dibekalkan untuk pinjaman perumahan bagi mendirikan rumah panjang di pedalaman Sarawak.

28. PR-1313-L58817
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah usaha bagi mengembang dan menambah baik Program Pengurus Kediaman atau *Home Managers* sebagai langkah mengurangkan pergantungan kepada negara-negara lain seperti Indonesia untuk membekal tenaga kerja pembantu rumah.
29. PR-1313-L58950
Tan Sri Dato Sri William Mawan Ikom [Saratok] minta **MENTERI KEMAJUAN LUAR BANDAR DAN WILAYAH** menyatakan :-
- (a) berapakah jumlah projek Kerajaan Persekutuan yang telah diluluskan oleh pihak Kementerian di bawah kawasan Parlimen Saratok semenjak tahun 2012 sehingga kini; dan
 - (b) berapakah projek yang telah diluluskan telah siap sepenuhnya, ditangguhkan atau ditukarkan kepada projek lain.
30. PR-1313-L57537
Dato' Fauzi bin Abdul Rahman [Indera Mahkota] minta **PERDANA MENTERI** menyatakan jumlah kewangan yang diperuntukkan dan yang telah dibelanjakan oleh Wilayah Ekonomi Pantai Timur (*East Coast Economic Region-ECER*), dan apakah projek yang telah dizahirkan, dan apakah manfaat yang diperoleh oleh rakyat dan negara.
31. PR-1313-L58228
Dato' Hasbullah bin Osman [Gerik] minta **MENTERI PERTAHANAN** menyatakan berapakah jumlah kos pembelian peralatan ATM di ESSCOM dan bagaimana proses pembelian serta adakah melalui tender terbuka atau pembelian terus.
32. PR-1313-L58098
Datuk Sapawi bin Ahmad Wasali [Sipitang] minta **PERDANA MENTERI** menyatakan apakah kaedah dan mekanisme dilaksanakan untuk memudahkan umat Islam memilih/menggunakan produk farmaseutikal, termasuk ubat-ubatan dan makanan tambahan yang dihasilkan di dalam negara berbanding produk import, untuk memastikan statusnya sebagai halal.
33. PR-1313-L57149
Dr. Ismail bin Daut [Merbok] minta **MENTERI KEMAJUAN LUAR BANDAR DAN WILAYAH** menyatakan mengapa premis perniagaan serta bengkel yang dibina oleh Majlis Amanah Rakyat (MARA) kurang mendapat sambutan berbanding dengan bangunan swasta. Apakah bentuk usaha dan kaedah yang dibuat supaya premis-premis ini dapat di manfaat sepenuhnya.

34. PR-1313-L57485
Tuan Jeff Ooi Chuan Aun [Jelutong] minta **MENTERI KOMUNIKASI DAN MULTIMEDIA** menyatakan apakah tarikh muktamad bagi SKMM mengambil balik spektrum gelombang mikro yang pernah dikeluarkan untuk siaran TV dan Radio Astro menerusi satelit sejak 1996. Apakah persediaan Astro ke arah siaran melalui IPTV.
35. PR-1313-L58408
Tuan Su Keong Siong [Ipoh Timor] minta **MENTERI DALAM NEGERI** menyatakan kos yang telah di belanjakan oleh Kerajaan untuk peningkatan kawalan dan keselamatan sempadan kita untuk memastikan abu mayat mendiang Chin Peng tidak di bawa masuk ke dalam negara kita untuk pengembumian. Nyatakan tempoh Kerajaan akan melaksanakan atau menjalankan operasi tersebut.
36. PR-1313-L57321
Tuan William Leong Jee Keen [Selayang] minta **MENTERI PENDIDIKAN** menyatakan alasan membayar RM20 juta kepada Syarikat McKinsey & Co. untuk menyediakan Pelan Pembangunan Pendidikan Malaysia (PPPM) 2013-2025.
37. PR-1313-L58289
Datuk Wee Jeck Seng [Tanjong Piai] minta **PERDANA MENTERI** menyatakan bilakah pembinaan 1000 unit rumah mampu milik di kawasan Parlimen Tanjong Piai seperti yang telah diumumkan oleh Yang Amat Berhormat Perdana Menteri pada PRU-13 yang lalu.
38. PR-1313-L58554
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan berapakah kes pendakwaan mereka yang ditahan di bawah Ops Cantas dan berapa pula yang dilepaskan tanpa pendakwaan.
39. PR-1313-L58056
Tuan Khoo Soo Seang [Tebrau] minta **MENTERI DALAM NEGERI** menyatakan cara-cara berkesan untuk mencegah penipuan melalui telefon yang begitu berleluasa.
40. PR-1313-L59001
Dato' Sri Azalina binti Dato' Othman Said [Pengerang] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) apakah program-program baru yang akan dilancarkan oleh pihak Kementerian yang berunsurkan dan bermatlamat untuk memperkasakan kaum wanita dari segi sosial; dan
 - (b) apakah langkah-langkah baru yang akan diambil oleh pihak Kementerian dalam mencapai sahutan Yang Amat Berhormat Perdana Menteri untuk meningkatkan penyertaan kaum wanita dalam sektor korporat di peringkat atasan dan hirarki atau tatatingkat pengurusan sektor korporat.

41. PR-1313-L57447
Dr. Hajah Siti Mariah binti Mahmud [Kota Raja] minta **MENTERI SUMBER MANUSIA** menyatakan bentuk tindakan kepada majikan yang enggan mengambil pekerja wanita yang menutup aurat atau mengandung walaupun telah memenuhi syarat kelayakan.
42. PR-1313-L58359
Tuan Haji Khalid bin Abdul Samad [Shah Alam] minta **MENTERI DALAM NEGERI** menyatakan tujuan pelaksanaan Ops Cantas Khas dan apakah hasil pelaksanaan Ops Cantas Khas sehingga kini.
43. PR-1313-L57196
Dr. Che Rosli bin Che Mat [Hulu Langat] minta **MENTERI KESIHATAN** menyatakan usaha-usaha pemantauan oleh pihak Kementerian ke atas ubat-ubatan yang digunakan dan dibekalkan ke farmasi Kerajaan dan swasta.
44. PR-1313-L57820
Datuk Nur Jazlan bin Mohamed [Pulai] minta **MENTERI DALAM NEGERI** menyatakan mekanisme yang akan digunakan dalam melaksanakan AES, adakah ia sama seperti yang digunakan Kementerian Pengangkutan sebelum ini.
45. PR-1313-L57559
Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan :-
- (a) jumlah jaminan yang sudah dikumpulkan sejak 2008 hingga 2012 hasil tangkapan daripada demonstrasi aman; dan
 - (b) tempoh diambil untuk memulangkan wang jaminan sekiranya OKT tidak didapati bersalah.
46. PR-1313-L57302
Dr. Azman bin Ismail [Kuala Kedah] minta **MENTERI DALAM NEGERI** menyatakan faktor-faktor yang menyebabkan masalah Mat Rempit tidak dapat dihapuskan dan masih menjadi masalah sosial.
47. PR-1313-L59116
Tuan Karpal Singh [Bukit Gelugor] minta **MENTERI SUMBER MANUSIA** menyatakan kes-kes yang tertangguh (back-log of cases) di Mahkamah-mahkamah Perindustrian di negara ini sehingga 30 September 2013.
48. PR-1313-L58103
Dato' Ir. Haji Nawawi bin Ahmad [Langkawi] minta **MENTERI PERDAGANGAN ANTARABANGSA DAN INDUSTRI** menyatakan apakah Kerajaan akan meneruskan operasi kilang LYNAS dan apakah akibat atau kesannya kepada negara kita, Malaysia.

49. PR-1313-L57941
Tuan Wong Tien Fatt @ Wong Nyuk Foh [Sandakan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan selain daripada membina rumah-rumah kos rendah seperti PR1MA, apa lagi langkah-langkah dan dasar-dasar Kerajaan untuk mengawal harga rumah. Apakah sebab harga rumah di negeri Sabah menjadi begitu tinggi, walaupun Sabah negeri yang miskin.
50. PR-1313-L58198
Datuk Madius Tangau [Tuaran] minta **PERDANA MENTERI** menyatakan daripada segi unjuran berapakah bilangan pekerjaan yang perlu diwujudkan di seluruh negara untuk menampung permintaan graduan daripada pelbagai disiplin dan khusus untuk Sabah apakah strategi untuk mengatasi pelbagai halangan pelaburan demi mewujudkan pekerjaan di negeri Sabah.
51. PR-1313-L57221
Dato' Mansor bin Othman [Nibong Tebal] minta **PERDANA MENTERI** menyatakan langkah-langkah yang diambil untuk menangani masalah kekurangan tanah perkuburan Islam, terutamanya di kawasan bandar.
52. PR-1313-L58989
Dr. Mohd. Khairuddin bin Aman Razali [Kuala Nerus] minta **MENTERI PEMBANGUNAN WANITA, KELUARGA DAN MASYARAKAT** menyatakan peruntukan-peruntukan yang telah diterima oleh golongan OKU dan warga emas pada tahun 2010-2012.
53. PR-1313-L58484
Tuan Ahmad Baihaki bin Atiqullah [Kubang Kerian] minta **MENTERI KEWANGAN** menyatakan adakah cara yang digunakan oleh Kerajaan untuk membasmi penyeludupan petrol dan diesel ke negara asing dan kenapa usaha itu tidak berkesan dalam menangani masalah tersebut.
54. PR-1313-L59078
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan jumlah mahasiswa yang telah ditahan atas dakwaan berpolitik.
55. PR-1313-L57533
Dato' Seri Abdul Hadi bin Awang [Marang] minta **PERDANA MENTERI** menyatakan adakah Jabatan Kemajuan Islam Malaysia (JAKIM) menyediakan garis panduan terhadap penggunaan Kalimah Allah (khususnya yang bertulisan Arab) pada lambang, logo dan lain-lain yang digunakan oleh jabatan-jabatan dan agensi-agensi Kerajaan.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

- | | | | |
|----|----------------|---|-------------------------------|
| 1. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 2. | (D.R. 19/2013) | Rang Undang-undang Fi (Jabatan Muzium Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 3. | (D.R. 20/2013) | Rang Undang-Undang Dadah Berbahaya (Pindaan) 2013 | “ |
| | | [Menteri Kesihatan] | |
| 4. | (D.R. 23/2013) | Rang Undang-undang Saraan Hakim (Pindaan) 2013 | “ |
| | | [Menteri di Jabatan Perdana Menteri] | |
| 5. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 6. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 7. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 8. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |
| 9. | (D.R. 15/2013) | Rang Undang-undang Lambang dan Nama (Mencegah Penggunaan Tak Wajar) (Pindaan) 2013 | “ |
| | | [Menteri di Jabatan Perdana Menteri] | |

10. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]

11. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]

12. **Menteri Kewangan akan mencadangkan :**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. **Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2013 yang dibentangkan di hadapan Majlis ini sebagai kertas statut bil. ST. 61 tahun 2013 disahkan.”

14. **Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (1) Seksyen 11 Akta Kastam 1967 dan Seksyen 25 Akta Duti Timbal Balas dan Anti Lambakan 1993 supaya Perintah Duti Kastam (Barang-barang di bawah Perjanjian Perdagangan Keutamaan di kalangan Negara-Negara Anggota D-8) 2013 dan Perintah Kastam (Duti Anti-Lambakan) (No.3) 2013 yang dibentangkan di hadapan Majlis ini sebagai kertas statut bil.ST.100 dan ST.135 tahun 2013 disahkan.”

15. **Menteri Kewangan akan mencadangkan :**

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa AES Solutions Sdn Bhd, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham”.

16. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Intrepretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

17. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan staus sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8).

Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

18. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

19. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

20. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

21. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

22. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

23. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

24. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.59	Akta Jalan Persekutuan 1959 Perintah Jalan Persekutuan (Lebuhraya Lembah Klang Selatan) 2013	4 Disember 2013
ST.68	Laporan Tahunan dan Penyata Kewangan Lembaga Minyak Sawit Malaysia Bagi Tahun 2012.	4 Disember 2013
ST.80	Laporan Tahunan dan Penyata Kewangan Lembaga Perindustrian Kayu Malaysia Bagi Tahun 2012.	4 Disember 2013
ST.105	Laporan Tahunan dan Penyata Kewangan Perbadanan Tabung Pembangunan Kemahiran (PTPK) Bagi Tahun 2012.	4 Disember 2013
ST.107	Laporan Tahunan dan Penyata Kewangan Agensi Kelayakan Malaysia (MQA) Bagi Tahun 2012.	4 Disember 2013
ST.144	Laporan Tahunan dan Penyata Kewangan Institut Penyelidikan Keselamatan Jalan Raya Malaysia Bagi Tahun 2012.	4 Disember 2013
ST.145	Laporan Tahunan dan Penyata Kewangan Perbadanan Aset Keretapi Bagi Tahun 2012	4 Disember 2013
ST.147	Laporan Tahunan dan Penyata Kewangan Lembaga Pembangunan Pelaburan Malaysia Bagi Tahun 2012.	4 Disember 2013